

Sün basa da las disposiziuns da l'Associaziun svizra da las scoula da musica (ASSM)  
e da l'Assoziaziun da las scoulas da chaunt e musica dal Grischun (ACMG)  
e scu commembra da quistas organisaziuns  
as do la Scuola da musica d'Engiadin'Ota  
ils seguaints statüts:

# Statüts

## I. Nom, intent e residenza

Art. 1	Nom
Art. 2	Intent
Art. 3	Residenza

## II. Commembranza

Art. 4	Commembranza
--------	--------------

## III. Organisaziun

Art. 5	Organs da la societad
Art. 6	Radunanza generela
Art. 7	Cumpetenzas da la radunanza generela
Art. 8	Bannida, propostas
Art. 9	Tschernas e votaziuns
Art. 10	Suprastanza
Art. 11	Cumpetenzas
Art. 12	President/presidenta
Art. 13	Post da revisiun
Art. 14	Direcziun da scoula, secretariat

## IV. Finanzas

Art. 15	Mezs e contribuziuns da commembers
Art. 16	An da gestiun
Art. 17	Respunsabilted

## V. Disposiziuns finelas

Art. 18	Revisiun dals statüts
Art. 19	Schoglimaint
Art. 20	Entreda in vigur

## I. Nom, intent e residenza

### Art. 1 Nom

Suot il nom SCOULA DA MUSICA D'ENGIADIN'OTA (SMEO) exista üna societad sün basa d'ütil public, confuorm a l'art. 6o seg. CCS (ZGB). La societad es politicamaing e confessiunelmaing neutrela.

### Art. 2 Intent

La societad maina üna scoula da musica chi accumpagna, promouva e sustegna ad iffaunts, giuvenils e creschieus da tuot las eteds e tuot ils s-chelins da scolaziun, per ch'els possan percepir la musica scu part importanta da lur egen ambiaint da vita e da lur egna identited.

La spüerta invida taunt da fer sves musicas scu eir da la tadler activmaing. Ella muossa vias, cu cha la musica po dvanter persunelmaing accessibla e disponibla, tuot tenor las preferenzas e pussibiliteds individuelas.

Cotres cuntribuescha la societad üna buna part per mantgnair e promover valuors culturelas illa Regiun da Malögia.

### Art. 3 Residenza

La residenza da la societad as rechatta a San Murezzan.

## II. Commembranza

### Art. 4

La societad cugnuoscha las seguaintas commemoranzas:

- a) commembers da patruned
- b) commembers singuls
- c) commembers collectivs
- d) commembers d'onur

**Commembers da patruned** sun in prüma lingia il Chantun Grischun e las vschinaunchas da la Regiun da Malögia chi haun fat üna cunvegna da prestaziun culla societad. Impü es la commemoranza da patruned aviarta a tuot las persunas u organisaziuns.

**Commember singul e collectiv** po dvanter mincha persuna natürela u giuridica. S'annunzchand per la prüma vouta per l'instrucziun da musica, as dvainta automaticamaing commember singul.

Sün proposta da la suprastanza po la radunanza dals commembers der la **commembranza d'onur** a persunas, chi s'haun ingaschedas in möd speciel per la societad.

## III. Organisaziun

### Art. 5 Organs da la societad

Ils organs da la societad sun:

1. la radunanza generela
2. la suprastanza
3. il post da revisiun

#### **Art. 6 Radunanza generela**

La radunanza generela ordinaria ho lö infra quatter mais zieva la finischun da l'an da gestiun.

Radunanzas generelas extraordinarias paun gnir bannidas uschè suvenz, scu cha la suprastanza chatta que per bö'n u scha 15 commembers pretendan quetaunt da la suprastanza cun üna dumanda motiveda in scrit.

#### **Art. 7 Cumpetenzas da la radunanza generela**

La radunanza generela ho las seguaintas cumpetenzas intransferiblas:

1. la stipulaziun e modificaziun dals statüts,
2. la tscherna dal president/da la presidenta, da la suprastanza e da duos revisuors u d'ün post da revisiun per üna perioda d'uffizi da trais ans,
3. l'approvaziun dals rapports annuels dal president/da la presidenta e dal mneder/da la mnedra da scoula,
4. l'approvaziun dal quint annuel, dal rapport da revisiun e dal preventiv ed il dis-charge dals organs respunsabels,
5. la fixaziun da las contribuziuns da commembers,
6. l'exclusiun da commembers da la societad,
7. decisiuns davart tuot las otras fatschendas chi tuochan tar sias cumpetenzas tenor ledscha u statüts,
8. l'eventuel schoglimaint da la societad.

#### **Art. 8 Bannida, propostas**

Ils commembers vegnan invidos a la radunanza generela in scrit, incl. la glista da tractandas, almain 10 dis ouravaunt. Mincha radunanza bannida seguond uorden es cumpetenta da decider.

Propostas da commembers davart fatschendas, chi dessan gnir integredas illa glista da tractandas, sun d'inoltrer al president/a la presidenta fin il pü tard als 31 schner aunz la radunanza generela ordinaria.

#### **Art. 9 Tschernas e votumaziuns**

Las tschernas e votumaziuns vegnan fattas in möd aviert. Sch'ün commember dumanda üna tscherna u votumaziun in scrit, schi vain decis in merit. Mincha commember preschaint ho üna vusch.

Tar tschernas vela pel prü'm scrutin la magiurited absoluta, pel seguond la magiurited relativa da las vuschs. Tar dumandas materielas vela la magiurited relativa. Tar parited da las vuschs decida tar tschernas la büs-cha e tar dumandas materielas la vusch da tagl dal president/da la presidenta.

#### **Art. 10 Suprastanza**

La suprastanza consista da 5 fin max. 9 commembers. La suprastanza as constituescha sves.

#### **Art. 11 Cumpetenzas**

La suprastanza ho l'incumbenza:

1. da mner la societad e da la rapreschanter vers inour,
2. da bannir tschantedas e radunanzas,
3. d'evader fatschendas sün basa da las decisiuns da la radunanza generela,
4. d'evader fatschendas chi nu sun illa cumpetenza da la radunanza generela,
5. da predeliberer tuot las fatschendas,

6. da decider davart expensas i'l ram dal preventiv annuel,
7. da fixer las taxas da scoula,
8. d'accumplir la survagliaunza generela da la scoula, da decreter ün uorden da scoula scu eir quaderns da dovairs per la direcziun da scoula, pel secretariat e per la magistraglia,
9. da nominer cumischiuns, impustüt üna cumischiun da scoula e da finanzas,
10. da tscherner la direcziun da scoula, las persunas d'instrucziun ed oters impiegos scu eir da regler lur cundiziuns da servezzan,
11. da refüser ed excluder scolars,
12. da tratter reclamaziuns cunter la direcziun da scoula,
13. d'evader tuot las otras fatschendas da la societad chi nu sun assegnadas ad oters organs.

La suprastanza as raduna adüna, cur cha'l president/la presidenta chatta que per bön, almain però mincha mez an u scha duos commembers da la suprastanza pretendan que.

#### **Art. 12 President / Presidenta**

Il president/la presidenta maina la radunanza generela e las tschantedas da suprastanza. El/Ella rapreschainta la societad vers inour. Il vicepresidente/la vicepresidente surpiglia las funcziuns dal president/da la presidenta, scha quel/quella es impediou/impedida.

Il president/la presidenta ho la suottascripziun impegnativa insembel cun ün ulteriur commember da la suprastanza u cun la direcziun da scoula.

#### **Art. 13 Post da revisiun**

Il post da revisiun examinescha tuot la contabilted da la societad e preschainta ün rapport cun proposta in scrit a la radunanza generela.

#### **Art. 14 Direcziun da scoula, secretariat**

La direcziun da scoula vain surdeda ad üna persuna qualificheda.

La direcziun da scoula maina la scoula. Ella piglia part cun vusch consultativa a las tschantedas da suprastanza e da cumischiuns. Cumpetenzas ed incumbenzas sun regledas i'l quadern da dovairs separo.

Il secretariat es respunsabel per las fatschendas administrativas da la scoula da musica. Las incumbenzas sun regledas in ün quadern da dovairs separo.

### **IV. Finanzas**

#### **Art. 15 Mezs e contribuziuns da commembers**

Ils mezs finanziaels da la societad as cumpuonan seguaintamaing:

1. contribuziuns dal maun public
2. contribuziuns da commembers
3. taxas da scoula
4. rendita da la faculted
5. surpü dad occurrenz
6. donaziuns e contribuziuns facultativas

L'otezza da la contribuziun vain fixeda minch'an danövmaing da la radunanza generela. In cas sociels speiels po la suprastanza redür la contribuziun per singuls commembers.

Scha novs commembers aintran illa societad düraunt l'an da gestiun, alura vain la contribuziun calculada pro rata (mincha quart d'an).

Commembers chi sortan u vegnan exclus, pejan lur contribuziun fin a la fin da l'an da gestiun curraint.

#### **Art. 16 An da gestiun**

L'an da gestiun vain fixo da la suprastanza.

#### **Art. 17 Responsabiltad**

Per las responsabiltads da la societad sto buna unicamaing la facultad da la societad.

Mincha responsabiltad persunela dals commembers per las responsabiltads da la societad es exclusa. Per persunas, chi ageschan per la societad, vela l'art. 55 par. 3 CCS (ZGB).

### **V. Disposiziuns finelas**

#### **Art. 18 Revisiun dals statüts**

Per üna revisiun dals statüts voul que üna magiurited da duos terzs dals commembers preschaints a la radunanza generela.

#### **Art. 19 Schoglimaint**

La societad as schoglia, scha duos terzs dals commembers decidan que u scha'ls organs da la societad nu paun pü gnir occupos. In cas d'ün schoglimaint vain la facultad existenta da la societad deponida tar l'administraziun cumünela da San Murezzan e po gnir surdeda unicamaing ad üna nouva societad cul listess intent illa Regiun da Malögia.

#### **Art. 20 Entreda in vigur**

Quists statüts aintran in vigur cull'approvaziun tres la radunanza generela dals 24 avrigl 2018. Els rimplazzan ils statüts dals 26 avrigl 2016.<sup>1</sup>

Decis da la radunanza generela dals *24 avrigl 2018* a Samedan.

**Il president:**

**La mmedra da scoula:**

Reto Cafilisch

Mengia Demarmels

<sup>1</sup> Ils statüts dals 24 november 1993 sun gniesu revais parzielmaing da las radunanzas generelas ordinarias dals 25 schner 2007, dals 29 schner 2009, dals 26 avrigl 2016 e dals 24 avrigl 2018.